

浙江圖書館

811.1087  
280.118  
C.2912

(1) 1979-1986



浙江圖書館



浙江圖書館



浙江圖書館



浙江圖書館



浙江圖書館

武原馬思恭



居邑之橫湖里其地水木

明翠類幽人勝流之依托

三思莽兄弟承其家學並

工吟咏會庭前棠棣友株

題贈錄序

80年清點

2097796

有交柯連理之瑞前嘉興

守嘉定李君官歆其畫曰鄂

韞暇吟雲書反為之因而吳

毅人祭酒圖注記其事詩人

何嘉德詩有詩思若兄



不使彙而刻之而諸余并  
如語於卷者余彙官浙江  
宗久屢行部至去原頗示  
後以謂橫湖里去公始於  
國中見之黑菴兄弟考友

者至性好學，予訪向尔，未  
之識。嘗於吳官槎，召書訪余。  
城西草堂，并以壽言贈余。  
余以病未見，誦其詩，亦如  
見其人矣。時

嘉慶珍函  
館  
月  
梁  
漢  
七十

一  
老  
人  
秦

書  
圖



浙  
江



浙江圖書館

聖  
 聖  
 聖  
 吟  
 吟

惡庵少白兩書舍敦友愛工吟詠  
 居有棠棣圖本文柯若一人咸謂  
 玉性所感曰以署其高嘉慶丙  
 寅秋日嘉定李廣芸識




嘉慶丙寅  
鴛湖蒔浩  
寫





一徑桑麻繞敝廬  
閉門兄弟好幽居  
春風滿院開  
粵鄂夜雨連牀讀父書  
十年霜露悲風木  
明發  
興懷淚似麻  
一語可堪慰  
泉下免教庭畔  
萎荆花

吳庵馬國偉自題



連枝蔚同根  
生一氣  
杞感兩本榮  
兩本榮  
枝忽合  
栽  
培念先心  
感雨悲手澤  
上脊脊  
令巢下有兄弟  
宅壤  
簾同晉棠  
州同心  
相期夙夜  
勤保護  
毋使榛棘  
艸蔓  
侵雙林

少白馬用俊自題





鄂鞞聯吟處題贈錄

館

文

錢唐吳錫麒穀人

鄂鞞聯吟處記

大凡草木之霽必人有以感通之然後風雨合離  
變化儵忽得以獻其奇於耳目見聞之外雖門庭  
聚順循乎自然未嘗思有所表暴而連理交讓枝  
駢葉儷和樂之氣能與入之情性俱深匪物之霽  
亦人之自爲霽也武原馬君愚庵與其弟少白居



邑之橫湖里五畝之宅煙水環之雙橋若虹壓鏡  
而臥茭蒲菱芡不植自饒書庫所儲富且萬卷壘  
吹簾和時與敷歌艣唱相應於鷗鳧出沒間庭有  
常棣二株枝忽交合螭蚪蓼擾風煙鬱紆人皆謂  
至行之敦降嘏產祥於是乎在因顏之曰鄂韡聯  
吟處而徵記於余余故肄業於詩者請卽以詩說  
之可乎小雅曰常棣之華鄂不韡韡凡今之人莫  
如兄弟序曰常棣燕兄弟也鄭箋以爲華鄂相承  
覆韡韡然而光明猶兄弟相順而榮顯夫弟以敬

事兄兄以榮覆弟骨月之誼復何間然然觀其一  
篇之中始驗之死喪急難之故繼洽之邊豆飲酒  
之情終極之室家妻孥之宜與樂抑揚唱歎悱惻  
纏緜誠以必如是而得旣翁之效不知是卽有闕  
牆之憂美之乎蓋戒之也今二君天性淳篤孚於  
隱微專其內心而絕乎外慕若惟此一室之內而  
回翔焉而寢食焉聊慮固護台愛同敬卽至千詩  
百賦駢田旁唐要亦求適其怡怡之趣而止宜其  
以和召和捷於影響則是樹也名其詩卽李氏華

鄂之集垂諸後乃韋家花樹之宗豈僅如田氏紫  
荆以分合爲榮枯也哉獨是僕者眷懷同氣自念  
生平負郭無田陟岡有望飢驅奔走垂老江湖覩  
脊令之飛而增原隰之感徒覩然而談君家之樂  
且悄然而動余心之悲也

吳縣潘世恩芝軒

橫湖艸堂記

輿城去海鹽縣治一十八里爲晉袁崧所築其南  
有敎義里李祥故居在焉魚藜蟹楫一水滌帶曰

橫湖圖經所云白華雪映水色蕭遠人家蘊水種  
菱芡者是也秋林遠峯微露刻畫如畫曰橫山顧  
逋翁詩所云家在雙峯蘭若邊是也其地遠離塵  
市詩人之廬高僧之刹望衡對宇沿湖可就避喧  
之士樂居之上舍馬愚庵與其弟少白家湖之濱  
性敦孝友閭閻愉愉化及鄉黨庭植常棣二樹作  
花甚繁久之枝忽連合爲一僉謂敬愛之誠所感  
格郡太守嘉定李君題其讀書之堂曰鄂鞞聯吟  
處嘉友愛也上舍兄弟皆工詩登臨山水必各盡

其才力模範林泉之勝其至性相狹有流溢於意  
言之表者非特壘篋互奏而已昔東坡子由更唱  
迭和後世傳爲佳話余謂兩蘇友于之好雖篤然  
迫於遠宦對牀風雨特出自追憶之詞二子居山  
水之鄉出同車處同席吟咏同筆硯自幼而壯如  
形影之不相捨是又前人所難宜其形諸詩文繪  
畫爲遐邇所稱述已詩不云乎豈伊異人兄弟匪  
它愚庵少白旣敦其同氣而復惓惓於春令之愛  
若惟恐稍弛者亦小雅詩人之義也

開化戴敦元金溪

連枝說

古鹽馬君應篋與弟履常皆能敦行有文學嘗棊  
行所倡和詩名曰鄂鞞聯吟集四五年來聲名鵲  
起竇氏之聯珠李氏之蘭玉復見今茲誠盛事也  
馬君齋蒔植郁李二株久之枝幹聯屬郁李卽古  
所謂棠棣也古聖人以之興詠於兄弟者也予同  
年生李君鄒齋守嘉興爲之題其室曰鄂鞞聯吟  
處美之也亦以風世也兩君年來廣徵詩文以記

其事老友錢唐何徵君春渚嘗爲予言之予因循  
未及爲今復介吾友李允升來欲予一言記之予  
以爲草木之爲物至無知也然靜而察之或蕩然  
而榮或菀然以茂往往不因于天時不因于土宜  
而反因于人事此其故甚眇矣蓋人之精神可以  
開金石可以孚豚魚者唯其誠也不誠則雖同類  
也無以感之而况于金石豚魚乎如其誠則何有  
乎金石豚魚其于草木也亦若是而已矣兩君竺  
于天親朝夕吟諷于一室之中以致連枝之瑞此



固氣類之相感召乃理之所必有者而或者且鯁  
鯁焉疑之抑所見之不廣矣予故因其徵而率吾  
意言之庸知有當于兩君乎亦聊以謝徵士耳

嘉魚張宗軾穎瞻

馬氏連枝樹記

余承乏鹽官七載於茲拳拳以孝友之行望一邑  
而入武原者莫不以風土敦龐士民和樂爲余頌  
豈知閭里有篤行之士薰其德而善良者匪伊朝  
夕之故也邑城西十數里名橫湖烟波蕩漾四面

古木環繞蒼翠悅目夏秋交湖中紅藻青芰縈紆  
映帶邑之騷人逸士每載酒入蓼花深處聽漁歌  
水調慨然作浮家想緣岸數武竹籬中隱約屋椽  
結構頗幽邃詢其居則爲馬愚庵少白伯仲之所  
棲也兩君少敦友愛長工吟咏一以天性鼓盪不  
事雕琢其庭畔有常棣二上下交柯駢枝儷葉遠  
近投詩者數百家僉謂兩君孝友之所感夫造物  
無心而有心草木無知而有知彼葉茂荆枝花承  
棣萼以及平露芝草連賓之屬恒不經見而茲樹

若擇地與人爲之獻其奇効其霧以表兩君之懿  
行且以佐兩君之吟興也豈偶然哉余旣綴以詩  
而復爲之記蓋深喜其雍睦敦讓有裨於風教溯  
其居思其人其益動我以秋水蒹葭之感也夫

浦江周 璠盤洲

連枝樹說

盈天地間皆氣也氣之醇者爲元氣鍾於人則爲  
慈孝友恭而慈孝友恭之人又日以其呼吸動靜  
培元氣之醇而醇者益醇於是庭階堂室園林池

沼莫非元氣之所充塞而禽魚草木得之遂各以  
其瑞應此理之常無足怪者馬上舍愚庵少白自  
其先尊人時已淡榮利耽吟咏以詩禮淑其二子  
二子善承先志敦友愛鴛鴦橋畔一唱一隨庭有  
常棣二株遂成交柯之瑞余謂此元氣之徵也馬  
氏益勉之積而不已將鍾而爲大醇儒焉能鼓盪  
一元之氣以磅礴於百昌庶遂而不獨庭階堂室  
園林池沼間兄及弟一呼一吸盡之也嗚呼盛矣  
歸安章光曾廉夫

贈馬生愚庵少白序

著雍執徐之歲余司訓武原到官未幾有馬生來  
謁接其人恂恂儒雅君子也出其尊甫先生抱樸  
居詩并其昆季鄂鞞聯吟圖及詩卷示余余既占  
小詩贈之今春適有事橫湖過馬生園觀其連枝  
之木徘徊歎詫者久之造其廬兄弟偕出肅客與  
之語溫溫如也未讀其詩已異其人而况讀其詩  
者乎夫詩之道本乎性情性情之真莫真於倫類  
三百篇之詩有男女贈答者焉有友朋諷勸者焉

有臣子怨慕其君父者焉獨常棣之詩詳言兄弟  
周公處人倫之變故始之以孔懷急難而終之以  
和樂且耽其性情固有大過人者千載而下猶想  
見其纏絲愷惻綢繆無已之情情之真故語之摯  
若此今馬生與其弟終身處和樂之境一堂之上  
此倡彼酬天倫之樂無過於是詩書之樂亦無過  
於是者其樂也皆出於至性至情之所發釀而爲  
和風溢而爲甘雨其在 聖朝則爲聯珠合璧雙  
歧合穎之祥而出於一家則有棣萼連枝之瑞焉

固其宜也我更爲馬生進之矣蓋友愛者性情之所自見而謳吟者風俗之所由成太和之氣磅礴而鬱積必非一家一邑之所得私也他日採風者於馬生兄弟必將占彙征之吉以鳴國家之盛是又吾鄙所厚望也已

平湖胡昌基雲佇

春令居記

浙

海鹽馬子愚庵偕其弟少白居橫湖之里承先人遺業有田可耕有書可讀庭前棣樹交柯垂蔭昆

季日聯吟其下海內名士競作爲詩文贈之矣其  
朝夕藏脩之所曰春令居屬予爲記按禽經云鷓  
鴒友悌舊注春令凡共母者飛鳴不相離又且飛  
則鳴行則搖有急難之義馬子嘗自序其詩云遭  
逢多故自癸亥而後死喪既平今復以春令名居  
其固居安思危猶是常棣詩人之意也乎然予嘗  
讀是詩疑之先王之明人倫也昆弟後卽繼以朋  
友此獨歧視之者何哉蓋人生至樂莫如兄弟顧  
其境習其味澹習則易忘澹則生厭於是宵小讒



慝之口得而間巷之而闚牆之釁作求原之禍忘  
矣作詩者於此有隱痛焉而又不忍斥言之故借  
朋友以立說以爲當事變猝發雖同方同術之人  
猶嘆形格而氣禁而况宵小讒慝之間巷我者卽  
異時加侮於我者也不然伐木之詩不云乎嚶其  
鳴矣求其友聲馬子縞紵四方視友朋若性命顧  
以此自畫乎哉嗟乎化之興也由門內而其衰也  
亦始家庭骨肉之間如馬子之一堂友愛善氣薰  
蒸化行鄉里雖以是爲高岡之鳳九臯之鶴可矣

脊令云乎哉馬子數訪予松風之墅貌樸情摯知其能敦於至性者東風解澌宿痾稍蘇當乘水馬泝鷺鷥鴛鴦兩橋直造脊令之居愧無以廣馬子之意爰繹詩人引而不發之旨以爲馬子勗焉

海寧鍾大源晴初

鄂鞞聯吟序

古今來詩人衆矣而求其兄及弟俱以詩稱者不多見也况又能和在陰之鳴鶴耶昔時如張氏載協陸氏機雲應氏之場與璩謝氏之靈運惠連皆

昆季而以詩稱者然既非盡出同懷亦非本諸庭  
訓未可謂之盛也逮唐之竇叔向能詩其子五人  
如曰鞏曰羣曰庠輩皆工詩自是而後獨推眉陽  
蘇氏雖老泉無詩而東坡詩爲有宋一代之冠穎  
濱詩亦稱競爽東坡之子過亦能詩一時得才之  
盛近世罕有其比矣觀鄉馬君應篋常抱樸先  
生之令子也抱樸先生隱居樂志性吟哦或偃  
仰邱園或相羊山水遇得意處輒流連嘯咏作爲  
詩歌粹然蛻出於塵瑳之外世之讀抱樸詩者莫

不以詩人許之也君兄弟胚胎家學目染耳濡亦  
耽風雅而抱樸先生亦不以世之所榮者榮其子  
趨庭之暇酬倡無虛日以是兩君子之詩杳然而  
清盎然而和小者固已冲瑩雋潔大者亦能妥帖  
排冝其於倫常名教之地尤諄諄三致意焉使人  
讀之油然生孝弟之心謂非淵源有自家學相承  
而能若是耶語云莫爲之前雖美勿彰莫爲之後  
雖盛勿傳馬氏一門可以無憾斯語矣傳之後世  
直與竇氏聯珠集蘇氏斜川集後先鼎峙豈流俗

之詩人所能絜長較短也哉或曰馬氏自漢以來  
多才士如所稱馬氏五常白眉最良者君其苗裔  
與余曰五常僅以昆弟稱而非本諸庭訓後之眎  
今猶覺今之勝昔爾

圖

秀水錢昌齡恬齋

鄂韓聯吟圖說

昔田真兄弟分合荆樹爲之枯榮草木無知而人  
事感召有特著其靈異焉海鹽馬上舍愚庵少白  
昆季素敦友愛工吟咏怡怡聚處日相倡酬家人

化之無間言雖古廉讓之鄉居巢之里殆不是過  
所居室有常棣兩本枝忽交合爲一人咸謂至性  
所感緣作鄂鞞聯吟圖弁屬同人題詠以誌一時  
盛事他日得邀輜軒之錄斯人斯樹弈禩並傳不  
徒爲閭里之光也

海鹽陳石英子敬

常棣讚

有序

馬君愚庵少白幼稟庭訓工詩旣長同居無間宅  
樹雙棣歲久連枝其殆能率其天常無虧乎兄弟

之倫而效靈於常棣與讚曰

本合末分物戾其常孰合其末本之不忘韡韡雙  
棣交柯比長其下有人同心扶將培爾靈根漑我  
義漿煦以元氣假之文章本深末茂異樹同芳

武康徐熊飛渭揚

三月三日棣園雅集序

袁山松之故宅翡翠成巢陸東美之舊鄉鴛鴦比  
翼橫湖一曲碧浸遙天蘭若雙峰青浮高榭則有  
扶風豪士下澤畸人青眼狂歌白眉揚譽情同軾

轍上下連牀室似機雲東西分解邨深竹箭茝  
與嵐翠交陰水汎桃花芳草共漁蓑爭綠上客從  
而憩息隱者之所盤桓至其真意温冲天懷緜摯  
讀父書之三篋述祖德之千言顏子推家訓奉此  
典型杜務伯清規守其令式桂華承露芬流海上  
秋山蘭澤因風香被烟中春渚小蘇大宋藝圃騁  
馳兩到雙丁詞壇蹠蹠爾乃壘篋入奏酬倡友于  
草木無知感通至性傍紫荆之嘉卉種常棣之穠  
苞地毓駢柯天憐篤行徵名材於小雅雙纏連理



之枝援神契於孝經交秀同根之木遂使羣芳譜  
內述茂樾之華滋符瑞志中驗德輝之純洽豈非  
家庭式好報以休祥兄弟無尤昭茲蕃植哉時維  
元巳序屬暮春雨蕊紛敷烟條競發峨眉山館粲  
朱萼之滿林春草池塘爛紅香之盈畝蜂蝶爭其  
氣澤桃李助其芳妍乃有青箱居士畫舫勝流暖  
趁烟波晴酣林薄家鄉百里論交山水之間風雅  
千秋投契形骸以外白沙翠竹幽居訪故舊之廬  
槐火石泉高致結雲巒之夢于是當花命酌就樹

移牀因修禊之佳辰作傳芳之盛燕茆簷索笑墜  
粉留痕酒座披香飛葩舞雪三十六體咏珠樹之  
扶疎一十二人寫靈襟之夷曠畫入龍眠圖內羣  
屐皆仙選歸壑叟集間溪山頓古熊飛與愚庵少  
白論詩五際贈縞十年松柏悅心荃蘅齊臭連蜃  
珍木永懷庭畔清標爛漫瓊英頻和花前雅什鷗  
鷺之盟長訂雞黍之約未從路近情遙書來夢去  
西園載酒同歌芳樹之篇曲水流觴爲作蘭亭之

序

平湖屈爲章含漪

棣園記

昔唐白香山居官輒病無立功名意居東都履道里自號醉吟先生與弟行簡從祖弟敏中歷覽山水酬倡自適時論賢之夫人不幸而無兄弟思惟以朋來爲慶猶曰必擇所堪必謹所堪若門以內相爲師友一字之書每共詠讀一句之文無不研賞卽在宴私亦比東晉王謝豈非所謂心睽則葉穎荆枝而性合則華承棣萼哉吾友武原馬愚庵

性簡澹不事塵俗與其弟少白最友愛同榻坐臥  
日唯詩書自娛所居室旁有小園羣芳雜綴松竹  
掩映中常棣數十本結根莓苔當夫春殘花發一  
枝上膚萼盈萬一萼中丹白共參襞積繁縟光華  
爛然愚庵因卽顏其園曰棣園余按爾雅常棣棣  
乃詩所謂常棣之華也承華者曰鄂鄂足得華之  
光明則韡韡然盛興喻弟以敬事兄兄以榮覆弟  
恩榮之顯亦韡韡然也夫天性激發草木類然况  
在於人愚庵唯處窮而不憂相偕以終老雍雍愉

愉此樂無極故能感召植物應而輒遍顧樹亦幸  
矣得生斯園撫斯樹而恣遐眺更何如珍惜護持  
他時其人其地儻與醉吟先生並有千古寧不亦  
盛事與彼侈門第誇才望如王氏三珠樹韋趙兄  
弟人之杞梓聞者競傳述焉猶未知其門內之友  
于果何若也

從姪 華鼎侶彞


鄂韡聯吟圖記

從叔愚庵少白兩先生敦常棣之誼作鄂韡聯吟

圖以見志四方能詩諸君子從而題咏者凡數百  
人間出以示余余惟兩先生家居友愛日以吟咏  
爲事諸君子言之亦詳且備矣顧竊有進告者唐  
王方慶之言曰崔盧裴韋累葉簪纓未見人人有  
集如吾王氏者蓋門才之盛不爭夫科名爵位之  
崇卑而視乎文章德行之厚薄此眉山蘇氏太原  
劉氏所由獨冠於兩宋也吾家自海昌徙居鹽邑  
潛德嘉遯累世未耀自家大人與先從祖漁邨公  
同學詩於李能白先生唱和最盛爲遠近人士所

豔稱僧廬集暨抱樸居所載諸篇是也迨後漁邨  
公中年抱病吟咏漸稀家大人懷才不遇卽所著  
詩集迄今未壽諸梓而鼎又牽於制舉對偶未敢  
窺名山之業蓋吾宗文學之興起不能無待於伯  
叔兄弟之力也今兩先生繼漁邨公之後益昌大  
其家聲旣刊抱樸居續集問世而又風雨聯牀好  
學不倦進而不已何難與前人競爽余雖不文猶  
將步兩先生之後稍抒鄙陋使唱和之盛復如曩  
昔此則私心所幾倖而欣忭無已者也至於珠聯

璧合二陸雙丁之目夫人能道之而余又何煩贅  
語乎



浙江圖書館



鄂鞞聯吟處題贈續錄

文

仁和汪家禧選樓

記鄂鞞聯吟處

海鹽馬君愚菴與其弟少白均能詩而尤以友恭  
淳至之誼聞居有常棣樹二本枝柯相交太守嘉  
定李公爲署其居曰鄂鞞聯吟處一時士大夫咸  
爲歌咏而馬君復介錢唐李君允升徵言于家禧  
家禧不能詩而於三百篇曾肄業焉請爲君說常

六身系金  
一  
棣之詩可與詩以常棣與兄弟以其華鄂不相離  
故能榮相覆也人生少而合者惟兄弟又年不甚  
相遠故其合爲最久然或牽於世故不能保其常  
合詩言幸其合也而勗之又惕之謂死喪急難惟  
常相聚者能相卹爾嗟乎爲此詩者其憂思之深  
乎周公於二叔不能常合也而流言間之患難作  
焉使能如民家兄弟朝夕聚處融融怡怡飲酒和  
於外妻孥和於內懽情相接真性自流何至不相  
信而卒相殘者人有處崇高富貴之極不如貧賤

之得遂其樂詩一言曰兄弟既具再言曰兄弟既  
翁何歆羨之深也而淳風既遠異居分財者數見  
人之有樂而不自遂者多矣夫朋友妻子之合較  
兄弟胥後而尙要以永久期以好合矧以同形氣  
如兄弟丁安寧之時可不善保其合與今馬君昆  
季能合矣願恒究圖於兄弟既翁之言而保厥終  
也詩繼言曰安寧之後兄弟不如友生說者謂以  
禮義相琢磨則友生爲急君昆季讀書好古又能  
澤以風雅兄弟之中有餘師矣家禧鮮兄弟每踴

長具系金  
踽無儔顧影泣下於君昆季深慕之他日得造君  
之廬或盤桓於棠棣下請再爲君譽嘉樹

海鹽崔應榴星周

跋鄂鞞聯吟卷後

仁和李先生能白嘗假館吾邑以能詩訓後進馬  
君鑑操與其從子次山爲一時高第弟子各刊有  
詩集曾採一二入橫山紀略次山於逆旅多識之  
未識鑑操以爲恨三十餘年間能白鑑操先後化  
去而余亦垂垂老矣今年夏五有以鄂鞞聯吟卷

見投者發函伸紙則鑑操君之兩哲嗣詩也食舊  
德誦清芬伯壘仲篋金春玉應其情摯其詞麗以  
則信乎善守其家學亦益以見能白先生之爲教  
遠也他日扁舟橫湖之濱得謀良覲且盡讀所未  
見之詩庶幾稍釋未識鑑操之憾也已

海寧許映漣紅竹

鄂韡聯吟圖贊并序

世有愛敬爲輿雍睦是杖者可不謂敦行之君子  
哉是以青陽夷鼓獨榮乎曩編三筆六詩羣契乎

門法堦簾之義自古爲昭矣若馬愚菴少白昆季  
怡怡之樂爽而不離欵欵之敬敦而彌固同盤無  
私其瓜果對床必視乎枕衾故能田荆再榮謝草  
無恙庭有交讓之木樹多連理之枝四鳥不悲乎  
異林二龍競爽於一室每當全湖四碧古山一蒼  
白雲在天飛雨初歇相與據石選句當花劈牋一  
字之書必共詠讀一句之文無不研賞穆穆焉煌  
煌焉茲藹和之盛軌亦恒流之雋異也昔竇羣以  
聯珠題集玉溪以華萼名編今則友悌情深丹青

契永慕機雲之彪炳踵儀廡之風流廉讓莫名大有竹叢之目雍藹奚似不減棠棣之碑贊曰

鶴鳴矣于彼高原兄弟既翁永矢勿諼彼爾惟何惟常之華兄弟既其德音孔嘉寬裕以誨比順以敬兄弟孔懷必有餘慶我寢我食日篤不忘彼其之子其道大光

武康徐熊飛雪廬

梁溪歸權圖記

吾師少司寇無錫秦公以詩古文詞振興一代碑

版傳誌幾徧天下尤喜發揚幽晦遇忠孝巨節必  
大書特書反覆忘倦論者皆謂韓歐復生也武原  
馬漁邨先生行誼純篤爲遠近所稱先生之子愚  
庵少白克守彝訓和氣洽於門內園有棠棣二株  
忽化爲連理枝四方來觀者咸以爲孝友所致賦  
詩頌之先是公持臬吾浙愚庵伯仲嘗狀述先生  
行事欲請公表墓會公移臬長沙事遂中止閱十  
二年公以秋卿 予告在籍遂相率赴梁溪請公  
文以歸揭諸墓道兩君之所以光其先德者可謂



不遺餘力矣是行也。溯松陵渡太湖弭楫芙蓉江  
上品天下第二泉歸又憇陽山登虎阜弔館娃故  
宮尋趙凡夫徐昭法隱居處弟兄倡和無一日稍  
輟既還家乃屬施少峯作梁溪歸權圖遍錄遊草  
於其上乞同人賦詩述之吾師養疴里第以文字  
請者日滿其門皆不卽應獨因兩君之求表其先  
墓而少峯隱居玉溪市孝行素著丹青不輕作  
乃放筆點染爲志千里勝遊凡此皆至行所感也  
是可記也



浙江圖書館



浙江圖書館



浙江圖書館



# 浙江圖書館

8111087  
2162.3 (一)借閱此書須愛護，不得在書內塗寫。

(二)損壞或遺失，應賠償同樣書籍，難以購得者，須加倍賠償。

(三)借閱以二星期為限，遇必要時得續借一星期。


(四)逾期不還，停止借書權兩星期。

(五)此書如需用時，本館得通知借者須即繳還。



圖書逾期、損壞

圖書是社會主義財產

浙江圖書館



3.2912  
280118



**TIFFEN** Color Control Patches © The Tiffen Company, 2007

Blue Cyan Green Yellow Red Magenta White 3/Color Black